

## Мазлума Асқарова



Тилшунос олима Мазлума Асқарова ўз соҳасида ўзбек аёлларидан етишган биринчи фан доктори (1963) ва профессоридир. У Ўзбекистонда хизмат кўрсатган фан арбоби (1965), СССР Педагогика фанлари академиясининг мухбир аъзоси (1968).

М. Асқарова 1924 йилнинг ноябрь ойида Тошкентда ишчи oilасида туғилди. 1932 йилда Октябрь районидаги 53- мактабга ўқишга кирди. 1933— 37 йилларда болалар уйида тарбияланиб, ўз ўқишини давом эттирди. 7-синфни тугатгач, 1-педагогика билим юртида ўқий бошлади. Билим юртини 1940 йилда тугатиб, Тошкент Давлат педагогика ўқитувчилар институтининг тил ва адабиёт факультетига ўқишга кирди. 1944 йилда институтни тамомлаган М. Асқарова ЎзССР Маориф министрлигининг буйруғи билан шу институтнинг ўзбек тилшунослиги кафедрасида аспирант қилиб қолдирилди; 1947—48 йилларда эса СССР ФАнинг Шарқшунослик институти хузурида кандидатлик диссертациясини ёзди. 1948 йилдан ҳозирга қадар Низомий номидаги Тошкент Давлат педагогика институти ўзбек тилшунослиги кафедрасининг ўқитувчиси, доценти, профессори ва кафедра мудири вазифаларида ишлаган.

Олима 1951 йилда А. С. Пушкин номидаги Тил ва адабиёт институтининг Илмий советида «Ўзбек тилида равишдош» мавзусида кандидатлик диссертациясини, 1963 йилда эса профессор К. Боровков раҳбарлигида «Ўзбек тилида эргашиш формалари ва эргаш гапларнинг типлари» мавзусидаги докторлик диссертациясини муваффақиятли ҳимоя қилди. 1964 йилдан бошлаб то 2005 йилгача Ўзбек тилшунослиги кафедрасини бошқарган.

Мазлума Асқарова синчков тадқиқотчи ва тажрибали педагогдир. У ўзининг илмий-педагогик фаолияти давомида 40 га яқин монография, дарслик ва брошюралар яратди. Бу асарларнинг умумий ҳажми 130 босма листдан ортади.



Олима қаламига мансуб асарлар орасида «Ҳозирги замон ўзбек тилида қўшма гаплар» (1960) монографияси, проф. А. Ғ. Ғуломов билан ҳамкорликда яратилган «Ҳозирги замон ўзбек тили» (1961) ва «Ҳозирги ўзбек адабий тили» (1965) дарсликлари алоҳида эътиборга лойиқдир. Олиманинг бу китоблари республикаимиз олий ўқув юртларидаги филология факультетлари учун асосий қўлланма ва дарслиklar вазифасини ўтаб келган.

М. Асқарованинг чуқур илмий мулоҳаза юрита билиши, рад этиш қийин бўлган далилларга таяниб иш кўриши унинг юқорида номи зикр этилган монографиясида ҳам сезилиб туради. Олима бу капитал асарида ўзбек гилида қўшма гаплар табиатини, хусусан, эргаш гапларнинг бош гапга боғланиш йўллари, уларнинг классификацияси каби қатор масалаларни моҳирона ёритишга эриша олган.

М. Асқарова қўшма гап синтаксиси проблемаларидан ташқари, равишдош, сифатдош, боғловчи юкламалар, сон категорияси, синтактик синонимика каби масалалар юзасидан ҳам қатор асарлар яратган.

У Низомий номли Тошкент давлат педагогика институтида докторлик ва кандидатлик илмий даражаларини бериш Илмий советининг, ЎзФАнинг А. С. Пушкин номли Тил ва адабиёт институтида кандидатлик илмий даражасини бериш Илмий советининг, Республика Олий ва махсус ўрта таълим министрлиги қошидаги филология секциясининг, ЎзССР Маориф ми- нистрлиги қошидаги УМСнинг ва, ниҳоят, Республика Министрлар Совети қошидаги илмий координация советининг аъзоси.

Ҳозир олима республикаимизнинг бир неча етакчи тилшунослари билан ҳамкорликда «Ҳозирги замон ўзбек тили» дарслиги, «Ўзбек тили грамматикасидан практикум» қўлланмаларини яратган.

Профессор Мазлума Асқарованинг хизматлари Ҳукуматимиз томонидан муносиб тақдирланган. У Ўзбекистон Олий Кенгаши Президиумининг (1965, 1985), Ўзбекистон Халқ маорифи Вазирлигининг (1972, 1974, 1975, 1984) Фахрий ёрликлари билан мукофотланган. Шунингдек, “Халқ маорифи аълочиси нишони” (1974), “Ҳурмат белгиси” ордени (1978), “Мустақиллик медали” (1992) ҳамда “Шухрат медали” (1994) билан тақдирланган.

- 1953** Ўзбек тилида равишдош ва сифатдошлар. (Ҳамкор—Р. Жуманиёзов), Тошкент.
- 1954** Деепричастие в современном узбекском языке. «Уч. зап. ТГПИ», II, Ташкент.  
Объём и содержание вузовского курса современного узбекского языка Сб. «Вопросы узбекского языкознания», Ташкент.
- 1955** Боғловчисиз боғланган кўшма гаплар. «Совет мактаби» журнали, 11-сон, Тошкент.
- 1957** Сабаб ва мақсад эргаш гапли кўшма гаплар. «Уч. зап. ТГПИ», вып. IV, Ташкент.  
Равишдош. «Ҳозирги замон ўзбек тили», тўплам, Тошкент.
- 1959** Аниқловчи эргаш гап. «Уч. зап. ТГПИ», вып. XII, Ташкент.
- 1960** Ўзбек тилида кўшма, жуфт ва такрорий сўзлар. Тошкент.  
Кўмакчи феълларнинг вид категориясига муносабати. «Ўзбек тили ва адабиёти масалалари» журнали, 5-сон, Тошкент.  
Ўзбек тили синонимларининг қисқача луғати. Тошкент.
- 1961** Ҳозирги замон ўзбек тили (синтаксис). Дарслик (ҳамкор— А. Ғуломов), Тошкент. Бу дарслик 1965 йилда қайта нашр этилган.  
Сложное предложение с придаточными дополнительными в современном узбекском языке. Сб. «Вопросы описательной грамматики тюркских языков», Москва.
- 1962** Кўшма гапнинг кўчирма гапли тури. «Ўзбек тили ва адабиёти масалалари» журнали, 1-сон, Тошкент.  
О некоторых вопросах сложного предложения в современном узбекском языке. Труды ТашГУ, филологические науки, 12, Ташкент.  
Боғловчи-юкламалар ҳақида. «Ўзбек тили ва адабиёти масалалари» журнали, 4-сон, Тошкент.  
«Бўл» сўзининг синтактик хусусиятлари ҳақида. «Ўзбек тили ва адабиёти масалалари» журнали, 5-сон, Тошкент.  
Айрим эргаштирувчи боғловчиларнинг қўлланиши ҳақида. «Совет мактаби» журнали, 9-сон, Тошкент.

1963

Способы подчинения и типы придаточных предложений в современном узбекском языке. Автореферат докт. дисс., Ташкент.

Ҳозирги замон ўзбек тилида боғловчили эргаши гапли қўшма гаплар. «Уч. зап. ТГПИ», № 42, Ташкент.

Эргаши гапларнинг синтактик синонимикаси масаласи. «Уч. зап. ТГПИ», № 4, Ташкент.

1964

Нисбий сўзларнинг эргашиган қўшма гап компонентларини бириктиришдаги роли. «Совет мактаби» журнали, 3-сон, Тошкент.

Ҳозирги замон ўзбек тилида эргашиш формалари. «Уч. зап. ТГПИ», кн. 2, Ташкент.

1966

Ҳозирги ўзбек тилида эргашиш формалари ва эргаши гаплар ўзбек тили дарслиги“ (4-синф учун, 1970, 1975, 1979, 1980, 1982, 1984, 1990, 1992-йиллар; ҳаммуаллиф).

Ўзбек тили дарслиги“ (7-синф учун, 1972 йил ҳаммуаллиф).

Ўзбек тили дарслиги“ (8-синф учун, 1982 йил; ҳаммуаллиф).

Ўзбек тил дарслиги“ (7-8 синфлар учун, 1974, 1977, 1981, 1983, 1987, 1991-йиллар, ҳаммуаллиф).

Ўзбек тили (1976, 1989-йиллар; ҳаммуаллиф).

Ўзбек тили дарслиги (9-синф учун, 1980 йил; ҳаммуаллиф).

Ҳозирги ўзбек адабий тили (1-том, 1975 йил; ҳаммуаллиф).

Ҳозирги ўзбек адабий тили (2-том, 1976 йил; ҳаммуаллиф).

Ҳозирги ўзбек адабий тили (1-қисм, 1980 йил; ҳаммуаллиф).

Ўзбек тили грамматикасининг практикуми (1972, 1981-йиллар; ҳаммуаллиф).

Қўшма гапнинг қўчирма гапли тури ҳақида (1981)

Ҳозирги ўзбек адабий тили (ҳаммуаллифликда).